

Shenja dhe Mrekulli të Rreme

Një gjë e madhe për të cilën Jezusi është i njohur ishte fuqia e Tij për të bërë mrekulli. Ai shëroi të verbërit, të paralizuarit, lebrozët, të demonizuarit, etj.. Edhe fuqia e Tij ishte aq e madhe që Ai e ringjalli L Lazarin. Pa tjetër Krishti Jezus kishte fuqi për të bërë shenja të mëdha dhe mrekulli. Por, a duhet të shikojmë gjëra të tilla sot midis Krishterëve? Ne nuk dyshojmë fare që edhe sot Perëndia ka fuqi për të shëruar njerëz sipas dëshirës së Tij. Çfarë dyshojmë janë të ashtuquajtur njerëz fetarë që premtojnë shërime ose përpiqen të bëjnë shenja të mëdha. Përse?

1) Sepse edhe Satani ka fuqi të bëjë shenja dhe mrekulli. Ti nuk duhet të lexosh Fjalën e Zotit për shumë kohë përpara se të kuptosh këtë fakt. Satani është i njohur si ai që "mashton gjithë dheun" (Zbu. 12:9). Një udhë është nëpërmjet shenjave dhe mrekullive të rreme. P.sh., në kohën e Moisiut magjistarët kundërshtuan Perëndinë duke bërë shenja të mëdha (Eks. 7:11; 8:7). Në të ardhmen, AntiKrishti do të bëjë shenja të mëdha, "sa që edhe zjarr bënte të zbresë nga qielli mbi dhe në prani të njerëzve" (Zbu. 13:13). Ji i sigurt që n.q.s. një gjë e tillë do të ndodhte në stadiumin e qytetit tënd në prani të banorëve, pothuaj të gjithë do të besonin që ai që e bëri "është njeriu i madh i Perëndisë." I njëjti mendim do të jetë edhe për AntiKrishtin sepse Fjala e Zotit thotë që "... dhe i mashtrohte banorët e dheut me anë të shenjave..." (Zbu. 13:14). Pra, një e ashtuquajtur shenjë ose mrekulli nuk vërtetohet që ai person që e bëri është nga Perëndia sepse edhe Satani mund të bëjë të njëjtën gjë.

2) Sepse janë shumë mësuesë të rreme në botë sot. Pothuaj të gjithë Krishterët besojnë që ardhja e Krishtit është afër. Disa kanë caktuar (me gabim) një datë duke thënë që viti "x" është mbarimi i botës. Në fakt, ne dimë që Ai mund të kthehet sonte. Asnjë gjë nuk e pengon shfaqjen e Tij nga qielli. Sidoqoftë, Krishti thotë që koha përpara ardhjes së Tij do të ishte një kohë shumë e rrezikshme sepse shumë mashtrues do të shfaqen që të mashtrojnë shumë njerëz. Ai thotë: «Ruhuni se mos ju mashton ndokush! Sepse shumë do të vijnë në emrin tim duke thënë: "Unë jam Krishti" dhe do të mashtrojnë shumë njerëz.» (Mt. 24:4-6). D.m.th. shumë të ashtuquajtur njerëz fetarë do të vinin për të mashtruar shumë njerëz. Si do të mashtrohen njerëzit? Fatkeqësisht, nëpërmjet shenjave dhe mrekullive të rreme!

Satani e di shumë mirë që tendenca natyrore e njerëzve është për të kërkuar shenja shpirtërore. Një ditë AntiKrishti do të shfaqet për të bërë "veprimet e Satanit, bashkë me çudira, shenja dhe mrekullish të rreme, dhe nga çdo mashtrim ligësie për ata që humbin..." (2 The. 2:9-10). Me këto gjëra, ai do të mashtrojë pothuaj të gjithë njerëzit. Sa njerëz kanë thënë: «N.q.s. unë mund të shikoj një mrekulli, atëherë do ta besoj?» N.q.s. një person do të të thoshte «Eja në stadium sonte dhe do të shërohesh», shumë mijëra njerëz do të shkonin atje vetëm për të shikuar megjithëse ata nuk kanë asnjë problem fizik. Por Jezusi thotë që «Një brez i mbrapshtë dhe kurorëshkelës kërkon një shenjë...» (Mt. 16:4)! Të kërkosh shenja dhe mrekulli është një gjë shumë e rrezikshme sepse nëpërmjet këtyre gjërave Satani dhe punëtorët e tij do të mashtrojnë shumë njerëz.

Pra, Satani ka një plan shumë të zgjuar sepse "punëtorët e Satanit shndërrohen në punëtorë të drejtësisë" (2 Kor. 11:15). Pa kujdes njerëzit mendojnë që predikuesit që flasin me fjalë të ëmbla dhe manifestojnë të ashtuquajtur shenja janë nga Perëndia. Por, në realitet, ata janë punëtorët e Satanit. Ki kujdes për shpirtin tënd!

3) Sepse shumica e shërimeve në ditën e sotme janë plotësisht të rreme. Përkundrazi, kur Jezusi shëronte njerëz, mrekullitë e Tij ishin krejtësisht të vërtetuara. P.sh. Ai shëroi memecët, të verbërit, të paralizuarit, lebrozët, të demonizuarit, të vdekurit, etj.. Kur Ai bëri një mrekulli, asnjë person nuk e dyshoi. Por, në ditët e sotme? A shohim ne të njëjtat gjëra? Absolutisht, jo!

Le të supozojmë që jemi në një mbledhje ku predikuesit kanë premtuar shërime dhe shenja të mëdha. Çfarë mund të ndodhë? Janë disa shërime të rreme të zakonshme të sotme. Tre shembuj janë të mjaftueshëm. Nr. 1: Ata zgjedhin një person dhe thonë: "Ke një këmbë më

të gjatë se sa tjetra." Personi është plotësisht i habitur sepse deri në atë moment s'ka dije për një problem me këmbët e tij. Të dyja këmbët na duken njëlloj. Megjithëse ai ka ecur shumë mirë, predikuesit fillojnë për t'u lutur që një këmbë të zgjatet. Më në fund, ata njoftojnë: "Tani, ai u shërua". Kjo është e rreme! Le të shërojnë ata njerëz që janë të paralizuar si Jezusi bëri! Nr. 2: Ata zgjedhin një person që ka një dhembje koke, dhe luten që të shërohet. Ky është vetëm një efekt psikologjik dhe jo më shumë. Edhe mjekët e dinë që një person do të ndihet më mirë sepse pati ndihmë nga lutja ose nga një ilaç. Kjo është arsyeja përse mjekët u japin pacientëve me probleme kronike kokrra me sheqer (jo ilaç). Kokrrat nuk do t'i shërojnë fare por do të japin një efekt psikologjik dhe për një kohë ata do të mendojnë se janë më mirë. Nr. 3: Ata do t'i tregojnë atij: «Sa e tmerrshme! Ke një tumor brenda teje». Personi është i habitur sepse deri në atë moment ai s'kishte dije. Por, duke u lutur për të, predikuesit do të thonë që "je shëruar". Prapë, kjo është e rreme sepse asnjë gjë nuk ishte vërtetuar.

N.q.s. ata kanë fuqi për të shëruar, përse nuk shkojnë në një spital ku janë njerëz të sëmurë? Sepse ata nuk kanë fuqinë e Perëndisë.

Nganjëherë në një mbledhje një person që është në të vërtetë sëmurë, i verbër, ose i paralizuar do të dalë përpara predikuesve që të shërohet. Megjithëse janë bërë shumë lutje dhe thirrje për shërim, në fund nuk ndodh asgjë. Çfarë justifikimi kanë predikuesit? Ata normalisht i thonë të sëmurit: «Arsyeja që nuk shërohesh është që tek ti mungon besimi». Një justifikimi i zgjuar që fshen të vërtetën që ata janë të rremë. Mos u mashtro!

4) Sepse shumica e shenjave në ditën e sotme janë plotësisht të rreme. Për shembull, një fenomen që quhet 'bekimi i Torontos' është shumë i përhapur. Duke u mbledhur në një takim njerëzit bien përtokë dhe fillojnë të qeshin, normalisht pa vetëkontroll. Predikuesit thonë që kjo është një "shenjë e Perëndisë" që ke marrë Frymën e Shenjtë. Ata thonë që "Bekimi është nga Perëndia sepse njerëzit kanë më shumë dashuri për Perëndinë dhe Fjalën e Tij." Por, ky është një mashtrim sepse, së pari, Fjala e Perëndisë nuk thotë asnjë gjë për një fenomen të tillë. Përkundrazi, në Fjalën e Perëndisë kur njerëzit kishin rënë përtokë në praninë e Perëndisë ose e engjëjve ata kishin shumë frikë dhe nuk thanë asnjë gjë (shih Zbu. 1:17). Në fakt, e vetmja udhë për të marrë Frymën e Shenjtë është për t'u penduar nga mëkati dhe të besosh tek Krishti. Së dyti, më shumë dashuri për Perëndinë dhe Fjalën e Tij është e barabartë me më shumë bindje ndaj Fjalës së Tij dhe shenjtëri personale. Fatkeqësisht, sa njerëz që kanë rënë përtokë duke qeshur kanë vazhduar të vishen me 'mini-fundë', të shikojnë programe të këqija (me dhunë, imoralitet) në televizor, të jetojnë për veteveten, etj.? E ashtuquajtura dashuri (vetëm nga buzët) pa shenjtëri është hipokrizi. Mos harro që "... pa shenjtëri askush nuk ka për të parë Perëndinë." (Heb. 12:14).

Një shenjë e rreme tjetër është "e ashtuquajtura" gjuhë e panjohur. Shumë njerëz dëshmojnë me shumë siguri që ata kanë folur në një gjuhë të panjohur, por nuk është e vërtetë fare. Pra, çfarë është një gjuhë e panjohur? Pika e parë është, sipas Fjalës së Zotit, që një gjuhë e panjohur është një gjuhë e njohur botërore, por e panjohur për folësin - "...Si vallë secili nga ne i dëgjon të flasin në gjuhën e vet amtare?..." (Vep. 2:4-11). Më parë folësi nuk ka patur asnjë aftësi të flasë në këtë gjuhë, por gjuha është e njohur në botë, vetëm e panjohur për folësin. Një gjuhë e panjohur nuk është llogaritje, tinguj të rastit, ose zhurma të parregullta. Kjo është krejtësisht e nevojshme të kuptosh që të shmangesh ndonjë mashtrim. Në qoftë se ti thua, «Unë flas në një gjuhë të panjohur», por kjo gjuhë nuk është një gjuhë botërore, ti mashtrohesh.

Pika e dytë është që nëse një person po flet në një gjuhë tjetër, ai do të jetë në rregull me Fjalën e Zotit. Për shembull, ne lexojmë që: "Nëse ndonjë flet në gjuhë tjetër, le të bëhet kjo nga dy a më të shumtën tre vetë njeri pas tjetrit, dhe një le të interpretojë." (1 Kor. 14:27). Kuptimi është i qartë. Në bashkësi, Zoti thotë që vetëm dy ose tre vetë kanë të drejtë për të folur në një gjuhë tjetër, jo më shumë. Edhe ata persona duhet të flasin njeri pas tjetrit, jo njëkohësisht. Edhe Zoti ka thënë që kur ndonjëri flet kështu, një tjetër duhet të interpretojë.

Prandaj, nëse ti je në një mbledhje ku më shumë se tre vetë po flasin me llogaritje, tinguj të rastit, ose zhurma të parregullta (d.m.th. jo me një gjuhë botërore), ose ata po flasin njëkohësisht, ose pa një interpretues, është e qartë që çfarë ne shohim është e gabuar, në kundërshtim me Fjalën e Zotit, dhe nuk është nga Zoti. Ti duhet të largohesh menjëherë nga mbledhja!

Jezusi thotë që "Jo çdo njeri që më thotë: 'Zot, Zot' do të hyjë në mbretërinë e qiejve; por do të hyjë ai që kryen vullnetin e Atit tim që është në qiell. Shumë do të më thonë atë ditë: 'O Zot, o Zot, a nuk profetizuat ne në emrin tënd, a nuk i dëbuam demonët në emrin tënd, a nuk kemi bërë shumë vepra të fuqishme në emrin tënd?' Dhe atëherë unë do t'u sqaroj atyre: 'Unë s'ju kam njohur kurrë: largohuni nga unë, ju të gjithë, që keni bërë paudhësi'" (Mat. 7:21-23). Sipas Jezusit janë shumë njerëz të mashtruar që ndoshta kanë bërë të ashtuquajtur shenja të mëdha, por në fund do të shkojnë në ferr! N.q.s. ti ke parë ose ke praktikuar gjëra që janë të rreme dhe janë në kundërshtim me Fjalën e Zotit, atëherë, për shpirtin tënd, pendohu dhe kërko të vërtetën.